

春秋左傳類解

春秋左傳類解許卷之十五

蘆泉劉績編註

許

本今河南開封府許州後遷葉城父白羽容城亦謂之許

姜姓男爵出自炎帝之後堯四岳伯夷之子也周武

王封其苗裔文叔於許以續大岳之嗣地在潁川郡

許昌縣

漢世名許縣魏武作相改曰許昌

春秋時國小近鄭再滅之

以爲俘邑後附楚靈公遷于葉今河南南陽府鄧州

葉縣

古應子之國

悼公遷于城父即夷本陳地楚改名夷

屬譙郡今直隸鳳陽府亳縣東南七十里又遷于白

羽即析今南陽府鄧州內鄉縣許男斯遷于容城自
文叔十一世始見春秋後元公子結元年獲麟至戰
國為楚滅地里志云二十四世為楚所滅

莊公隱十一年奔衛鄭人立其弟穆公

己巳隱十一年○夏公會鄭伯于時來秋七月壬午公及齊

侯僖鄭伯莊入許公谷作夏五月時來公作祁黎胡氏曰書會則伐許者本鄭志也書

及則入許者公所欲也

夏公會鄭伯于邾邾音來即時來鄭地榮陽縣東有釐城釐音來謀伐許

也鄭伯將伐許五月甲辰授兵于大宮授兵賦車馬也大宮

鄭祖廟凡出師必告公孫閱與穎考叔爭車皆鄭于祖廟以遷廟主行大夫

穎考叔挾輈以走輈車轅也廟內投車未子都拔

棘以逐之及大逵弗及子都即闕棘戟子都怒秋

七月公會齊侯鄭伯伐許庚辰傅于許穎考叔取

鄭伯之旗螯弧以先登螯音倅螯旗名子都自下射之

顛顛死也瑕叔盈又以螯弧登瑕叔盈鄭大夫周麾而呼曰

君登矣鄭師畢登壬午遂入許許莊公奔衛齊侯

以許讓公公曰君謂許不共不供職貢故從君討之許

既伏其罪矣雖君有命寡人弗敢與聞與去聲乃與

鄭人鄭伯使許大夫百里奉許叔以居許東偏許叔

許莊公弟東偏東鄙也曰天禍許國鬼神實不逞于許君而

假手于我寡人

鬼神不得自逞快

寡人唯是一二

父兄不能共億其敢以許自為功乎

言我止鄭之一二臣尚不能安况又益之以許此言不能有許

能安况又益之以許此言不能有許

寡人有弟不能和協而使餉其

口於四方其况能久有許乎

餉以爲聘食者非說文寄食也亦非按昭

七年以餉余口則是塗抹供給意今人謂塗物爲餉紙餉帛是也言叔段尚不能和協使求食於諸

侯內亂之是憂不能久有許

吾子其奉許叔以撫柔此民也吾

將使獲也佐吾子

鄭大夫公孫獲

若寡人得沒于地

以壽終

天其以禮悔禍于許無寧茲許公復奉其社稷

前

禍許今以禮不以禍則許不止唯我鄭國之有請有此東偏將復入許奉其社稷

謁焉如舊昏媾其能降以相從也無滋他族實偪

處此以與我鄭國爭此土也吾子孫其覆亡之不

暇而况能禋祀許乎謂告也妻家曰昏重昏曰禋

意以享謂之禋言我使汝奉許叔者不過許復國

之時於鄭之請謁如姻親相從而已不可以鄭為

欲滅許國更求於諸侯立他姓君滋蕃於許以偪

鄭爭許地我大臣兄弟不能共億和協子孫覆亡

不暇必不能滅許而禋祀之也豈寡人之使吾子

可以鄭為必滅而望救他姓哉寡人之使吾子

處此不唯許國之為亦聊以固吾圉也圉邊也乃使

公孫獲處許西徧曰凡而器用財賄無實於許我

死乃亟去之吾先君新邑於此桓公至莊王室而

既卑矣周之子孫日失其序夫許大岳之胤也天

而既厭周德矣吾其能與許爭乎君子謂鄭莊公

於是乎有禮禮經國家定社稷序民人利後嗣者

也許無刑而伐之服而舍之刑法度也度德而處

之量力而行之相時而動無累後人可謂知禮矣

鄭伯使卒出假音壯也行出犬鷄二十五以詛

射潁考叔者君子謂鄭莊公失政刑矣政以治民

刑以正邪既無德政又無威刑是以及邪考叔謂射

邪而詛之將何益矣

穆公即許叔名新臣莊公弟隱十一年鄭伐許

許東偏以奉其祀居東偏十五年方復國復國

甲申桓十五年○許叔入于許公會齊侯聚于艾艾公作鄭

地

許叔入于許公會齊侯于艾謀定許也特鄭厲公出昭公入

有內難故許叔得入

○穀梁曰許叔許之貴者也莫宜乎許叔其曰入

何也其歸之道非所以歸也言許叔宜立但因亂竊入非復國道故不

歸書

丙辰莊二十九年○夏鄭人侵許

夏鄭人侵許凡師有鍾鼓曰伐謂聲罪討也無曰侵侵者

加陵之意輕曰襲襲者重衣之

其境即潛師掠境也不情忽然而至若投衣然即輕行而掩之

乙丑信
四年

○夏許男新臣卒○葬許穆公公作

許穆公卒于師

時從齊伐楚大經

葬之以侯禮也

男而以侯禮加

一凡諸侯薨于朝會加一等死王事加二等於是

有以袞歛

祔加二公服

○穀梁曰諸侯死於國不地死於外地死於師何

為不地內桓師也

齊桓威信著諸侯安之故雖卒于外亦以在國例書也

僖公

名業穆公子魯僖五年即位文五年卒在位三十三年諡法小心畏忌曰僖

丁卯信六年冬蔡穆侯將許僖公以見楚子于武城公夏

會齊桓宋桓陳宣衛文曹昭伐鄭楚成圍許以救鄭諸侯還見鄭楚退舍武城猶有忿志故蔡將許

君見於楚武城楚地許男面縛啣璧其手以口啣壁

大夫衰經若將捷死故大士與櫬
櫬與棺而從也

楚子問諸逢伯楚大對曰昔武王克殷微子啓

如是微子紂之兄武王親釋其縛受其璧而赦之

後除惡焚其櫬禮而命之使復其所楚子從之

甲午僖三
十三年
晉人陳人并鄭人移伐許

晉陳鄭伐許討其貳於楚也許其不服

己亥文
五年
冬十月甲申許男奭卒

庚子
文
六年春葬許僖公

昭公名錫我僖公子文六年即位宣十七年

己巳
宣
十有七年春王正月庚子許男錫我卒夏葬

許昭公

靈公

名壽昭公于成元年即位襄二十六年卒在位四十四年

癸酉成

鄭公子去疾帥師伐許

鄭自宣十二年戰敗晉遂事楚

晉方伐鄭怒其不服不以此而興師伐人國書以不讓

鄭伐許

鄭附于楚一年再伐許故

夷之稱國

許恃楚

共

而不事鄭

襄

鄭子良伐許

乙酉成

許遷于葉

葉地即汝

許靈公畏偁于鄭

成

請遷于楚

共

辛丑楚公子申

遷許于葉

甲辰襄

叔老會鄭伯

晉

荀偃

衛

甯殖

宋

平

子

孫

孫

孫

人伐許

許男請遷于晉諸侯遂遷許許大夫不可晉人歸

諸侯

春晉會魯宋衛鄭曹莒邾薛杞小邾于渙鄭梁大夫盟見晉晉電大夫而歸諸侯也

子矯聞將伐許遂相鄭伯以從諸侯之師

雷伐許

以鄭與許有宿怨

穆叔從公齊子帥師會晉荀偃

叔孫豹與盟當伐許以

書曰會鄭伯為夷故也

也謂荀偃寡殖宋人皆卿大夫對位相等唯

鄭伯從師君也臣不可先君故書曰會鄭伯夏六

月次于棫林

地許庚寅伐許次于函氏

厲帥師伐楚以報宋揚梁之後

才二年楚伐宋次揚梁以報晉之取

鄭見

楚公子格帥師及晉師戰于湛阪

湛水東北有

汝湛音沉楚師敗績晉師遂侵方城之外復伐許而還

甲寅襄二○八月壬午許男甯卒于楚冬楚子康蔡

侯景陳侯哀伐鄭簡葬許靈公

許靈公如楚請伐鄭十六年晉伐許諸國皆曰師大夫鄭君獨往故報之曰師

不興孤不歸矣八月卒于楚楚子曰不伐鄭何以

求諸侯冬十月楚子伐鄭鄭人將禦之子產曰晉

楚將平平在諸侯將和楚王是故昧於一來不如

使逞而歸乃易成也昧貪迷也夫小人之性囂於勇嗇

於禍以足其性而求名焉者非國家之利也若何

從之囂動也嗇吝惜也言鄭人欲與楚戰者皆囂動於一時之勇後日之禍則不肯謀以滿足

如此好爭之性欲求武勇之名子展說不禦寇十
非能為國計長久利不可從也

二月乙酉入南里鄭城隨其城涉於樂氏津門于師

之梁鄭城縣門發獲九人焉獲楚攻門者九人涉于汜而

歸楚師乃自汜城下涉汝水南而後葬許靈公

悼公名買靈公子襄二十七年即位在一十四年試謚法年中早夭曰悼

戊辰昭九年○許遷于夷許畏鄭欲遷故以自遷為文夷即城父本陳地楚滅陳取之改

名夷屬譙郡

二月庚申楚公子棄疾遷許于夷實城父取州來

淮北之田以益之州來淮南下蔡縣汝水之南也其民有田在淮水北也夷田少

故取以伍舉授許男田然丹遷城父人於陳以夷

濮西田益之

遷先居城父者於陳以遷方城外

于許

成十五年許遷於葉因以葉為許今遷於夷無人居故以方城外入實之

丁丑昭十八年

○冬許遷于白羽

即析楚邑名

楚左尹王子勝言於楚子

平曰許於鄭仇敵也而

居楚地以不禮於鄭晉

頃鄭定方睦鄭若伐許而

晉助之楚喪地矣君盍遷許

昭十三年楚復六國許自夷遷葉葉在楚

界許不專於楚鄭方有令政許曰余舊國也鄭曰

余俘邑也

政謂許以非已地不專為楚守之也令

舊為侯國非附庸不禮於鄭鄭以許為已俘獲之邑責禮於許此言鄭必伐許許必不能守而喪楚

葉也隱十一年鄭滅許而復存之故葉在楚國方

曰俘邑舊以許先鄭封為舊國非

城外之蔽也。土不可易，國不可少。土謂葉易，輕慢也。國謂楚，少謂

失其地也。葉為蔽障，故不可易而失之。許不可俘。許不可使，讎不可

啓。鄭不可召，之伐許。君其圖之。楚子說冬，楚子使王子勝

遷許於析，實白羽。

戊寅昭十九年○夏五月戊辰，許世子止弑其君買。○冬葬

許悼公。

夏，許悼公瘞。五月戊辰，飲太子止之藥卒。止獨進藥，不由

醫太子奔晉。書曰：弑其君。君子曰：盡心力以事君

舍藥物可也。杜云：藥物有毒，當由醫非凡人所知。議止不舍藥物，所以被弑。君名。

○穀梁曰：日弑正卒也。正卒則止不弑也。不弑而

曰弑責止也止曰我與夫弑者不立乎其位以與

其弟也

止自責曰我與弑君之人同罪於是致君位於弟

哭泣歆飢粥噍

不容粒

噍音益咽喉也

未踰年而死故君子即止自責而

責之也冬葬許悼公自卒時葬不使止為弑父也

曰子既生不免乎水火母之罪也羈貫成童不就

師傅父之罪也

羈貫謂交午剪髮為飭成童八歲以上

就師學問無

方心志不通身之罪也心志既通而名譽不聞友

之罪也名譽既聞有司不舉有司之罪也有司舉

之王者不用王者之過也許世子不知嘗藥累及

許君也

許君不授子以師傅使不識嘗藥之義故累及之

○公羊曰賊未討何以書葬不成于弑也曷為不
成于弑止進藥而藥殺也止進藥而藥殺則曷為
加弑焉爾譏子道之不盡也其譏子道之不盡柰
何曰樂正子春之視疾也曾子弟子以孝名聞復加一飯則
脫然愈復損一飯則脫然愈復加一衣則脫然愈
復損一衣則脫然愈脫然疾除也言消息得其節如飢寒則加飯衣飽暖則損其飯衣故病者脫然愈也止進藥而藥殺是以君子加弑焉
耳曰許世子止弑其君實是君子之聽止也聽治其罪
也葬許悼公是君子之赦止也赦止者免止之罪
辭也

許男斯

傳公子世子止弟昭二十年即位十九年為鄭滅

乙未定四年

○許遷于容城

任公輔以為即華容縣亦析之近地未詳

丁酉定

六年春王正月癸亥鄭游速

子大叔

帥師滅許以

許男斯歸

六年春鄭滅許以楚敗也

時吳入郢

元公

名成公羊作戌汪氏以為即斯年表以斯亡元公成在位二十三年謚法始建國都

元曰

己未哀十三年

○夏許男成卒

國滅後定復立之

○葬許元公

春秋左傳類解許卷之十五終

春秋左傳類解衛卷之十六附邢

蘆泉劉績編註

衛

大名府北直隸衛輝府
隸河南兗州府隸山東

姬姓侯爵出自武王同母少弟封為成王大司寇食
采於康謂之康叔成王誅武庚中分其地以其半作

康誥封為衛伯

篇中稱弟者乃成王不敢有
文武功先儒以為武王封誤

居河淇

之間故商墟汲郡朝歌縣是也

今大名府濬縣西七
十里有朝歌城隋改

為衛縣在衛輝
府淇縣之東也

康叔卒子康伯代立康伯卒子考伯

立考伯卒子嗣伯立嗣伯卒子康伯立

一作康

康伯卒子

靖伯立靖伯卒子貞伯立貞伯卒子頃侯立頃侯厚
賂周夷王進為侯立二年卒子釐侯立四十二年卒
大子共伯餘立為弟武公和弑武公佐周平戎有功
平王進為公立五十五年卒子莊公揚立二十三年
卒子桓公完立桓公十三年入春秋本都河北至文
公東徙渡河城楚丘山陽郡城武縣是也有楚丘亭齊桓公所城
今屬宛州府子成公遷帝丘東郡濮陽縣是也古帝丘顯項墟隋改
昆吳縣在今大名府開州西南後出公十二年獲麟後十一世聲公
之子成侯速復降爵為侯速孫嗣君更貶號曰君而
止有濮陽之地後六世為秦二世廢

桓公

名完莊公子母戴嬀十三年入春秋在位十六年為州吁弑諡法辟土服遠曰桓

辛酉隱三年

衛莊公娶于齊東宮得臣之妹曰莊姜

齊大子名姜齊姓莊從夫諡也哀為長男故大子在東宮

美而無子衛人所為

賦碩人也又娶于陳曰厲嬀生孝伯早死

厲諡嬀姓舜後

其姊戴嬀生桓公

戴亦莊姜以為己子公子州吁

嬀人之子也

嬀而得幸曰嬀

有寵而好兵公弗禁莊姜惡

之石碣諫曰

碣音鵠衛大夫

臣聞愛子教之以義方

下文邪弗納於邪驕奢淫佚所自邪也

驕奢矜陵物

淫過縱也佚放蕩也邪由此生

四者之來寵祿過也將立州吁乃

定之矣若猶未也階之為禍

階謂緣也

夫寵而不驕

驕而能降降而不憾憾而能恥者鮮矣安重貌鮮少也驕

於必不能降下人強降下人必憾恨意恨必思作亂而不自安申上四者所以生烈意且夫

賤妨貴少陵長遠間親新間舊小加大淫破義所

謂六逆也君義傳曰君能制命而義臣行臣從命父慈子孝兄

愛弟敬所謂六順也去順效逆所以速禍也去上聲效

作放也君人者將禍是務去而速之無乃不可乎弗

聽其子厚與州吁游禁之不可桓公立乃老老致仕也

壬戌隱四年○戊申衛州吁弑其君完州殺○宋公殤陳

侯桓蔡人宣衛人伐鄭莊秋鞏帥師會宋公陳侯蔡

人衛人伐鄭九月衛人殺州吁于濮濮音卜陳地水名在曹衛之間

四年春衛州吁弑桓公而立○宋殤公之即位也

公子馮出奔鄭鄭人欲納之穆公讓廷殤公及衛逐其子馮奔鄭

州吁立將脩先君之怨於鄭鄭公孫滑奔鄭而

求寵於諸侯以和其民春秋時凡篡立與諸侯會列名則不復討使告

於宋曰君若伐鄭以除君害謂宋公馮君為主敎邑

以賦與陳蔡從則衛國之願也宋人許之於是陳

蔡方睦於衛故宋公陳侯蔡人衛人伐鄭圍其東

門五日而還公問於衆仲衆仲魯大夫曰衛州吁其成

乎成和民欲對曰臣聞以德和民不聞以亂以亂猶

治絲而棼之也棼音焚猶紛也若紛之益見亂難理夫州吁阻兵而

安忍

恃險自固阻阻兵即虐用民安忍即弑君

阻兵無衆安忍無親

衆叛親離難以濟矣夫兵猶火也弗戢將自焚也

戢收歃也

夫州吁弑其君而虐用其民於是乎不務令

德而欲以亂成必不免矣秋諸侯復伐鄭宋公使

來乞師公辭之羽父請以師會之

即公弗許固請

而行故書曰翬帥師疾之也

不書公子惡其事兵強君以不義蓋衛弑

君不可黨鄭無罪不可伐也

諸侯之師敗鄭徒兵取其禾而還

州吁未能和其民厚問定君於石子

厚石子石子曰

王覲爲可曰何以得覲曰陳桓公方有寵於王陳

衛方睦若朝陳使請必可得也厚從州吁如陳石

碯使告于陳曰衛國褊小老夫耄矣無能為也

不能

討賊

此二人者實弑寡君敢即圖之也

即就

陳人執之而

請蒞于衛

請衛人自臨討之

九月衛人使右宰醜蒞殺州

吁于濮石碯使其宰孺羊肩蒞殺石厚于陳

孺如侯反

君子曰石碯純臣也惡州吁而厚與焉大義滅親其是之謂乎

○穀梁曰戊申衛祝吁弑其君完大夫弑其君以

國氏者嬖也弑而代之也

註凡非正嫡謂之嬖謂非所宜立寵勢如二君

其弑

欲取其國而代之故繫國於氏上使如衛君公羊所謂當國之辭是也言意在繼立而蒞就其

序

○九月衛人殺祝吁于濮稱人以殺殺有罪也

祝吁之挈失嫌也

挈謂不書氏族提挈其名也失嫌謂不得民心欲討其罪而不

以為君也其月謹之也

註討賊例時

于濮者譏失賊也

憫衛而罪

諸侯不即討

冬十有二月衛人立晉

衛人逆公子晉于邢

邢國名

冬十二月宣公即位書

曰衛人立晉衆也

○穀梁曰衛人者衆辭也立者不宜立也晉之名

惡也

不書公子惡其不正

其稱人以立之何也得衆也得衆

則是賢也賢則其曰不宜立何也春秋之義諸侯

與正而不與賢也

正謂嫡長也

宣公

名晉莊公子桓公弟隱五年卒在位十九年謚法施而不成曰宣

癸亥隱五年

○夏四月葬衛桓公秋衛師入戚音戚成公作濮州

雷澤北三十里戚國故城是也杜云東平剛父縣西南有戚鄉

夏葬衛桓公衛亂是以緩

桓公被弑八月而後四計賊十五年而後葬

月鄭人侵衛牧

牧衛邑

以報東門之役

在四年

衛人以

燕師伐鄭

燕南燕國姑姓黃帝之後在東郡燕縣

鄭祭足原繁洩駕

以三軍軍其前

三大夫攻燕前

使曼伯與子元潛軍軍其

後

二公子攻燕後

燕人畏鄭三軍而不虞制人

制鄭邑名即制縣邑

之制在河南城皋縣一名虎牢蓋曼伯子元之軍也

六月鄭二公子以制人

敗燕師于北制君子曰不備不虞不可以師○衛

之亂也邾人侵衛故衛師入邾

○公羊曰曷為或言率師或不言率師將尊師衆稱其率師將尊師少稱將將卑師衆稱師將卑師少稱人君將不言率師書其重者也

丙寅

八年春宋公

瑊衛侯遇於垂

衛地濟陰句陽縣東北有垂亭句音

鉤

○秋七月庚午宋公齊侯

傷衛侯盟于瓦屋

杜云齊侯

事宋使主會

八年春齊侯將平宋衛

宋衛伐鄭平與鄭平也

有會期宋公

以幣請於衛請先相見衛侯許之故遇於犬丘

即垂

也

○齊人卒平宋衛于鄆秋會于溫盟于瓦屋

周地

以釋東門之役禮也

定國息民故曰禮

○冬齊侯使來告成三國公使衆仲對曰君釋三

國之圖以鳩其民君之惠也寡君聞命矣敢不承

受君之明德

鳩集也從征則民離散

○穀梁曰外盟不日此其日何也諸侯之參盟於

是始故謹而日之也詰誓不及五帝盟詎不及三

王交質子不及二伯

辛未桓十二年

○丙戌衛侯晉卒

壬申桓十三年

○三月葬衛宣公

魯春與衛戰曷為葬衛宣公怨不棄義怒不廢禮是

知古人以葬為重也

惠公

名朔宣公于桓十三年即位位四年奔後八年復入共三十一年卒諡法柔質

慈民曰惠

乙酉桓六年

○十有一月衛侯朔出奔齊

張氏曰朔已立五年二公子逐

此

必因陵蔑天子周室欲討而後得以行其志云朔譏排取國故不言二公子逐罪之也

初衛宣公烝於夷姜

夷姜宣公庶母上淫曰烝

生急于屬諸右

公子

即職右膝之子

為之娶于齊而美公取之生壽及朔

屬壽於左公子

即洩左膝之子

夷姜縊

失寵自縊宣姜與公子

朔構急于

宣從夫縊姜齊姓即所取急于之妻構會其過忌也

公使諸齊使

盜待諸莘將殺之

莘衛地陽平縣西北有莘亭

壽子告之使行

行去不可曰葉父之命惡用子矣有無父之國則

可也及行飲以酒

聲去

壽子載其旌以先盜殺之

急于至曰我之求也此何罪請殺我乎又殺之二

公子故怨惠公十一月左公子洩右公子職立公

子黔牟

急于母弟故立之

惠公奔齊

○公羊曰衛侯朔何以名絕曷為絕之得罪於天

子也其得罪於天子奈何見使守衛朔而不能使

衛小衆越在岱陰齊屬眉茲舍不即罪爾

言天子使朔守

衛國之宗廟告朔天子召之發小衆不能使行朔走在此岱陰齊地說疾而止不就罪也屬託也負茲言負事繁多故致疾諸侯病之自稱也

黔牟

宣公子急子母弟桓十七年為二公子立在位八年惠復入奔周

庚寅 三年春王正月溺會齊師伐衛

三年春溺會齊師伐衛疾之也時衛朔在齊齊欲納之合黨與師伐

無罪國故疾惡之不書公子與前隱三年鞏帥師伐鄭同

○穀梁曰溺者何也公子溺也其不稱公子何也

惡其會仇讎而伐同姓故貶而名之也

壬辰莊五年 ○冬公會齊人襄宋人閔陳人宣蔡人哀伐

衛逆王命故書人

冬伐衛納惠公也

癸巳莊 六年春王正月公谷作三月王人子突救衛夏六月

衛侯朔入于衛王人王王之微起從大夫之例而書字貴

王人所以責諸侯也

六年春王人救衛夏衛侯入故公子黔牟于周放

甯跪于秦

殺左公子洩右公子職乃即位君

子以二公之立黔牟為不度矣度入聲夫能固位

者必度於本末而後立衷焉

衷中也度始終然後立中制

不知

其本不謀

其不知本可托不謀其事謂度其本

知本之不枝弗強

知本

無枝葉不致成其事謂度其本枝

詩云本枝百世

大雅文王篇言文王本枝皆茂

所以能固位百世

○公羊曰衛侯朔何以名絕曷為絕之犯命也其

言入何纂辭也

○穀梁曰其不言伐衛納朔何也不逆天王之命

也納不與諸侯得王之所絕入者內弗受也義不可受何用弗受也

為以王命絕之也朔之名惡也朔入逆則出順矣

朔出入名以王命絕之也天子召而不往故出書名天子不欲立朔故入

書名

壬子莊二十五年 ○夏五月癸丑衛侯朔卒

懿公名亦惠公子莊二十五年即位閔二年為狄滅在位九年諡法溫柔賢善曰懿

辛酉閔二年 ○十有二月狄入衛

冬十一月狄人伐衛衛懿公好鶴鶴有乘軒者軒大

夫車有將戰國人受甲者皆曰使鶴鶴實有祿位

余焉能戰公與石祁子玦與甯莊子矢使守

杜云

示以常決斷矢

曰以此贊國擇利而為之與夫人繡

示

衣

使柔順依人杜云取文章順序義

曰聽於二子渠孔御戎子伯

為右黃夷前驅孔嬰齊殿及狄人戰于熒澤

河北地名

衛師敗績遂滅衛衛侯不去其旗是以甚敗狄人

囚史華龍滑與禮孔以逐衛人二人曰我大史也

實掌其祭不先國不可得也乃先之

杜云夷狄畏鬼故恐言當

神白

至則告守曰不可待也夜與國人出狄入衛

遂從之又敗諸河

衛將東走渡河狄復逐而敗之

初惠公之即位

也少齊人使昭伯烝於宣姜不可

昭伯黔牟弟惠公庶兄公子

頑也。宣姜頑。庶母齊女故齊使。孫之。強之生齊子戴公。名文公。名朱。

桓夫人許穆夫人文公為衛之多患也。先適齊。

敗宋桓公逆諸河。宵濟。衛女嫁宋桓公故。宋迎衛。

之遺民男女七百有三十人。益之以共。滕之民。

滕皆衛別邑。衛州有共城。為五千人。立戴公以廬于曹。史記衛。

公之讒殺大子卒。賊其後更立黔牟弟之子為君。曹衛下邑廬舍也。詩序所謂東徙渡河野處曹邑。

是許穆夫人賦載馳。衛風篇名。許穆夫人痛衛之亡。思歸唁之。不可故作此詩。

言志。齊侯使公子無虧帥車三百乘。甲士三千人。以

戍曹。無虧桓公之歸。公乘馬。四馬。祭服五稱。衣單。

細牛羊豕雞狗皆三百。與門材。使先立。歸夫人魚。

軒夫人車以魚皮為飾重錦三十兩重錦錦之細倍常者長四丈兩端各二丈故

兩云

文公名欽急子第二人曰黔牟曰昭伯昭伯生戴公文公懿公死戴公立遂卒文公繼立

僖元年即位二十五年卒謚法慈惠愛民曰文

衛文公大布之衣大帛之冠文縷粗務材訓農務

材木訓農事通商惠工通商以遷其貨有無敬教勸學

敬五教授方任能也授方授民以事皆有方法元年

革車三十乘季年乃三百乘季年末年也

癸亥信二年春王正月城楚丘衛已失楚丘不能城而諸侯城之故不繫衛

二年春諸侯城楚丘而封衛焉君死國滅不書所故言封

會後也

魯後至不及期故不書諸侯爲魯諱

○公羊曰孰城城衛也曷爲不言城衛滅也孰滅之蓋狄滅之曷爲不言狄滅之爲桓公諱也曷爲爲桓公諱上無天子下無方伯天下諸侯有相滅亡者桓公不能救則桓公耻之也然則孰城之桓公城之曷爲不言桓公城之不與諸侯專封也曷爲不與實與而文不與文曷爲不與諸侯之義不得專封諸侯之義不得專封則其曰實與之何上無天子下無方伯天下諸侯有相滅亡者力能救之則救之可也

○穀梁曰楚丘者何衛邑也國而曰城此邑也其
曰城何也封衛也則其不言城衛何也衛未遷也
其不言衛之遷焉何也不與齊侯專封也其言城
之者專辭也故非天子不得專封諸侯諸侯不得
專封諸侯雖通其仁以義而不與也存衛是桓之
仁故通令城
楚丘義不可以專封
諸侯故不言迂衛故曰仁不勝道仁謂存亡國
道謂上下之
禮

癸酉十二年春諸侯城衛楚丘之郭懼狄難也

甲戌十有三年春狄侵衛

丙戌二○夏四月癸酉衛侯燬卒○葬衛文公

成公

名鄭文公子僖二十六年即位宣九年卒在位三十五年謚法安民立政曰成

己丑僖二十八年

○衛侯出奔楚

晉救宋伐衛致楚敗楚城濮衛侯聞楚敗懼出奔楚

遂適陳使元咺奉叔武盟于踐土事見晉

○六月衛侯鄭自楚復歸于

衛衛元咺出奔晉

衛侯失國出奔則不名復歸得國則名殺叔武也

○晉人

執衛侯歸之于京師衛元咺自晉復歸于衛

為臣執衛君故衛

侯不名而元咺稱復大失不世其稱復絕之也

或訴元咺於衛侯曰立叔武矣

衛侯弟

其子角從公

公使殺之

角元咺之子

咺不廢命奉夷叔以入守

以不殺

子故廢命故奉武入守衛國夷謚也

六月晉人復衛侯

以叔武盟踐土故聽其歸

甯武子與衛人盟于宛濮

武子名俞莊子之先濮衛地陳留長垣縣西

南有宛亭
近濮水

曰天禍衛國君臣不協以及此憂也

衛侯

欲與楚國人
不欲故出奔

今天誘其衷使皆降心以相從也不

有居者誰守社稷不有行者誰扞牧圉

牛曰牧
馬曰圉不

協之故用昭乞盟于爾大神以誘天衷自今日以

往既盟之後行者無保其力居者無懼其罪有渝

此盟以相及也

變盟以
禍相及

明神先君是糾是殛國人

聞此盟也而後不貳衛侯先期入甯于先長牂守

門以為使也與之乘而入

長牂衛大夫衛侯欲速
入先國人期之曰故武

子先與長牂
入安國人

公子歆太華仲前驅叔武將沐聞君

至喜捉髮走出前驅射而殺之公知其無罪也枕

之股而哭之。歔大走出。公使殺之。元咺出奔晉。

○衛侯與元咺訟。武事。弑叔。甯武子為輔。佐助衛君也。鍼莊

子為坐。坐獄對生。士榮為大士。大士治獄官也。臣不且與君對生。故使莊

子代衛君坐。又使武子相士榮為獄官。質正之。衛侯不勝。殺士榮。則鍼莊

子謂甯愈患而免之。執衛侯歸之於京師。時天王還京師而歸之也。置諸深室。甯子職納橐餕馬。索無

底囊以餼粥。置中轉達獄中。武子以此為職。不去也。元咺歸于衛。立公子瑕。

即公子適也。舊註亦衛侯弟。

○穀梁曰：自楚楚有奉馬爾復者，復中國也。歸者

歸其所也。鄫之名失國也。中國猶國中也。諸侯失國則書名。○晉

歸其所也。鄫之名失國也。中國猶國中也。諸侯失國則書名。○晉

人執衛侯歸之于京師此入而執其不言入何也

不外王命于衛也

普天下皆王土若言入則是周不能衛故雖就國執亦不言

人歸之于京師緩辭也斷在京師也

書之乃緩辭按晉侯執曹

伯歸于京師傳謂乃急辭斷在晉孟衛之罪疑而曹之罪著故云然

○公羊曰歸之于者何歸于者何歸之于者罪已

定矣歸于者罪未定也罪未定則何以得為伯討

此難成十五年晉侯執曹伯歸于京師書歸不書人

歸之于者執之於天子

之側者也罪定不定已可知矣歸于者非執之於

天子之側者也罪定不定未可知也

斷在天子而不與聞是

尊君故

衛侯之罪何殺叔武也何以不書為叔武

諱也春秋為賢者諱何賢乎叔武讓國也其讓國
柰何文公逐衛侯而立叔武叔武辭立而他人立
則恐衛侯之不得反也故於是已立然後為踐土
之會治反衛侯衛侯得反曰叔武寡我元咺爭之
曰叔武無罪終殺叔武元咺走而出此晉侯也其
稱人何貶曷為貶衛之禍文公為之也文公為之
柰何文公逐衛侯而立叔武使人兄弟相疑放乎
殺母弟者文公為之也放至也此言晉所以書人衛元咺自晉
復歸于衛自者何有力焉者也此執其君其言自

何為叔武爭也

言咺訴以執君經書自而晉有力者蓋以咺為叔武爭本直故晉得

助之按君臣無
獄此義未安

辛卯僖
三十年

○秋衛殺其大夫元咺及公子瑕衛侯鄭歸

于衛

書及謂以咺之故延及瑕書公子見我雖踰
年守節不居其位也衛侯書名為殺骨肉也

晉侯使醫衍酖衛侯甯俞貨醫使薄其酖不死公

為之請納王於王與晉侯皆十穀

雙玉曰
穀音角

王許之

秋乃釋衛侯衛侯使賂周欵治厯

厯音
勤

曰苟能納

我吾使爾為卿周治殺元咺及子適

即
瑕

子儀

公入祀先君周治既服將命

服卿服將入廟受命
古者爵人必於祖廟

周欵先入及門遇疾而死治厯辭卿

○公羊曰衛殺其大夫元咺及公子瑕衛侯未至

其稱國以殺何道殺也

傳謂在道今人殺之衛侯

鄭歸于衛此殺其大夫其言歸何

傳例歸出入無

殺大夫惡歸惡乎元咺也曷為歸惡乎元咺元咺之事

君也君出則已入君入則已出以為不臣也

壬辰僖三十一年

○狄圍衛十有二月衛遷于帝丘

蓋避狄難

冬狄圍衛衛遷于帝丘

故帝顓頊之墟故曰帝丘在東郡濮陽縣衛地卜

曰三百年衛成公夢康叔曰相奪予享

相夏后啓之孫仲康

之子居帝丘康叔衛始祖

公命祀相甯武子不可曰鬼神非其

族類不歆其祀祀鄫何事

二國夏之後

相之不享於此

久矣非衛之罪也

言帝丘久不祀相非衛所絕

不可以間成王

周公之命祀

諸侯受命各有常祀

請改祀命

改祀相之命

癸丑信三十二年

○衛人侵狄秋衛人及狄盟

其不地盟於狄也并書衛

人而稱及者所以罪衛也

夏狄有亂衛人侵狄

報圍衛

狄請平焉秋衛人及狄

盟

乙未文元年

○晉侯伐衛

○衛人伐晉

不書晉取戚而衛書人于晉而罪衛

也秋公孫敖會晉侯于戚

晉文公之季年諸侯朝晉衛成公不朝使孔達侵

鄭伐縣訾及匡

衛三邑名為鄭所并者匡在潁川新及縣東北

晉襄公既

祥使告于諸侯而伐衛及南陽

河內地

先且居曰

先軫

子為中效尤禍也以衛不朝伐之君不朝請君朝

王臣從師晉侯朝王于溫先且居胥臣即司空伐

衛五月辛酉朔晉師圍戚衛邑名在頓六月戊戌

取之獲孫昭子孫仲之子良夫之父食采戚邑故獲衛人使告于陳

陳共公曰更伐之我辭之衛孔達帥師伐晉君子

以為古古者越國而謀秋晉侯疆戚田故公孫教

會之晉取衛田正其疆界

丙申文○夏六月公孫教會宋公成陳侯共鄭伯穆

晉士穀盟于垂隴公穀作垂歟鄭地

公未至時公六月穆伯會諸侯及晉司空士穀士

子盟于垂隴晉討衛故也

討元年

書士穀

一本作書曰晉

穀堪其事也

士穀為司空非卿常例不應書

陳侯為衛請成于晉

執孔達以說

丁酉文三年

衛侯如陳拜晉成也

戊戌

四年春晉人歸孔達於衛以為衛之良也故

免之夏衛侯如晉拜

○衛侯使甯俞來聘

吳氏曰夏朝晉而秋聘魯事大睦鄰以安社稷也

衛甯武子來聘公與之宴為賦湛露及彤弓不辭

又不答賦使行人私焉對曰臣以為肄業及之也

昔諸侯朝正於王王宴樂之於是乎賦湛露則天

子當陽諸侯用命也。

正政令也。其詩云湛湛露斯。匪陽不晞。晞乾也。天子當日。

諸侯當露言露見日而行。猶諸侯稟天子命而行。

諸侯敵王所愾而獻其

功。王於是乎賜之彤弓一。彤矢百。玃弓矢千。以覺

報宴。

愾恨怒也。彤赤色。玃黑色。覺明也。報報功宴。樂也。其詩云彤弓。玃弓。受言藏之。我有嘉賓。

中心。既設一朝。饗之。今陪臣來繼舊好。君辱貶之。其敢

干大禮以自取戾。

干犯也。戾罪也。

辛丑文晉卻缺言於趙宣子。

即趙盾曰。日衛不睦。時為政。

故取其地。今已睦矣。可以歸之。叛而不討。何以示

威服而不柔。何以示懷。

柔安。

非威非懷。何以示德。

無德。何以主盟。子為正卿。以主諸侯。而不務德。將

若之何夏書曰戒之用休董之用威勸之以九歌

勿使壞

虞書大禹謨篇今借以為臣服者則戒喻休美之叛亂者則督責威刑之即討叛柔

服德也

也有此德又勸勉以九歌使德不墮

九功之德皆可歌也謂之九

歌六府三事謂之九功水火金木土穀謂之六府

正德利用厚生謂之三事義而行之謂之德禮無

禮不樂所由叛也

六者財用之所自出故曰府三者人事之所當為故曰事言六

府三事之德皆合且行之謂之德禮故人樂而歌以服之

若吾子之德莫可歌

也其誰來之盍使睦者歌吾子乎宣子說之

壬寅

八年春晉侯使解楊歸匡戚之田于衛

解楊晉大

夫匡為鄭侵元年孔達伐不能克今晉令鄭還之戚即元年所取戚田

且復致公壻

池之封自申至于虎牢之竟

中虎牢皆鄭邑晉取封公壻池今還之楚

地有公壻谿則此公壻因居地而以爲氏者池其名杜以爲晉公壻者非

丁未文十三年

○狄侵衛

時衛侯會魯于沓故狄乘間侵之

辛酉宣九年

○冬十月癸酉衛侯鄭卒

穆公

名遫成公子宣十年即位成二年卒在位十一年諡法布德執義曰穆

乙丑宣十三年

清丘之盟晉以衛之救陳也討焉

十三年晉宋衛

曹盟清丘曰恤病討貳宋爲盟故伐陳衛救之見宋

使人弗去曰罪無所歸

將加而師孔達曰苟利社稷請以我說罪我之由

我則爲政而亢大國之討將以誰任我則死之

亢

也

丙寅宣
十有四年春衛殺其大夫孔達

十四年春孔達縊而死衛人以說于晉而免遂告于諸侯曰寡君有不令之臣達構我敝邑于大國既伏其罪矣敢告衛人以爲成勞復室其子使復其位

以女妻達子使繼位

壬申成
二年○夏四月丙戌衛孫良夫帥師及齊師戰于

新築衛師敗績

衛侯使孫良夫

即桓子宣子爲衛卿

石稷

即成子碭世孫

甯相

武子

向禽將侵齊與齊師遇

時齊伐魯還

石子欲還孫

子曰不可以師伐人遇其師而還將謂君何若知

不能則如無出。今既遇矣，不如戰也。夏有新文失

事石成子曰：師敗矣，子不少湏，衆懼盡。子指孫

喪師，徒何以復命？皆不對。又曰：子國卿也，墮子辱

矣。子以衆退，我此乃止。且告車來，甚衆。齊師乃止。

次于鞠居。石成子乃止，禦齊且告齊衛救車。新築

人仲叔于奚救孫桓子。于奚守新桓子是以免。既

衛人賞之以邑。子賞桓子之功。辭請曲縣。杜註：軒縣也。周

縣四面諸侯之樂。軒縣開南方。繫纓以朝。繫馬腹帶纓，鞅也。在肩

無繫許之。仲尼聞之曰：惜也，不如多與之邑。唯器

與名，不可以假人。君之所司也。名以出信，信以守

器器以藏禮禮以行義義以生利利以平民政之

大節也言上下之名信言之實也正名以出之則

而不移而事成藏輪寓也車服所以表尊卑禮故曰藏禮有禮則上下各得其宜故曰行義有義則

自和物生利既利則民無不治矣平猶治也若以假人與人政也政亡

則國家從之弗可止也已

○庚寅衛侯速卒速公

九月衛穆公卒晉三子自役弔焉晉卻克士燮樂書因魯衛求救

伐齊戰于長勺事見齊哭于大門之外禮未復命不敢成衛人送

之婦人哭於門內喪位婦人哭於堂賓在門外故

生於西方外命婦率外宗哭于堂上北面送亦如之遂

常以葬。

至葬通

癸酉成三年

○辛亥葬衛穆公。

六月葬緩

定公

名臧穆公于成三年即位十四年卒在位十二年謚法安民大慮曰定

丁丑成七年

○衛孫林父出奔晉。

景林父謚文子乃桓子良夫之子

衛定公惡孫林父冬孫林父出奔晉衛侯如晉晉

反戚馬

戚林父邑林父出奔戚隨蜀晉故晉因衛朝而還之

甲申成十四年

○夏衛孫林父自晉歸于衛。

例諸侯納之曰歸

十四年春衛侯如晉晉侯強見孫林父焉定公不

可夏衛侯既歸晉侯使卻犇送孫林父而見之衛

侯欲辭定姜曰

定公夫人

不可是先君宗卿之嗣也

良夫

乃衛同姓之卿孫大國又以為請不許將亡雖惡
氏出自衛武公之不猶愈於亡乎君其忍之安民而宥宗卿不亦
可乎衛侯見而復之

○冬十月庚寅衛侯臧卒

衛侯有疾使孔成子

孔達孫

甯惠子

名殖甯相之子

立敬姒

之子衍以為太子

敬姒定公之妾衍即獻公之

冬十月衛定公卒

夫人姜氏既哭而息見太子之不哀也不內酌飲

歎曰是夫也將不唯衛國之敗其必始於未亡人

夫人乃獻適母言獻公行無禮必伐已姑所謂暴妾使子是也嗚呼天禍衛國也

夫吾不獲鱗也使主社稷

鱗音專又夫聲衍母弟

大夫聞之

無不登懼孫文子自是不敢舍其重器於衛盡實諸戚而甚善晉大夫

乙酉成十有五年春王二月葬衛定公

獻公名衎定公姜故似子成十五年即位襄十四年奔齊衛立殤公襄二十六年復歸衛

二十九年卒其三十三年謚法聰明虐哲曰獻

殤公名劉公子黑背之子穆公孫襄十五年即位二十六年薨在位十二年謚法短折不

成曰殤

十四年土寅襄○已未衛侯出奔齊侯作衛

衛獻公戒孫文子甯惠子食註食謂宴食君問燕無事召臣共食也

皆服而朝日旰不召服朝服待命於朝旰而射鴻日晚也不召與之食

於園二子從之於公不釋皮冠而與之言皮冠也

君敬大臣二子怒孫文子如戚孫氏邑在孫蒯入

使蒯孫文子公飲之酒使大師歌巧言之卒章小雅

篇名其卒章云彼何人斯居河之麋無拳無勇職

為亂階喻文子居戚欲為亂也也樂官也初公有嬖妾使師

曹誨之琴師曹鞭之公怒鞭師曹三百故師曹欲

歌之以怒孫子以報公公使歌之遂誦之蒯懼告

文子文子曰君忌我矣弗先必死并帑於戚使妻

戚入而入見遽伯玉衛大夫曰君之暴虐子所知也

大懼社稷之傾覆將如之何對曰君制其國臣敢

奸之雖奸之庸知愈乎遂行從近關出

伯王欲速出虎恐難

作也古者於竟上立閭譏異言異服

公使子矯子伯子皮與孫子盟

于丘宮

皆群公子丘宮近戚地

孫子皆殺之四月己未子展

奔齊公如鄆

衛邑

使子行於孫子孫子又殺之

子行亦羣

子公出奔齊孫氏追之敗公徒于阿澤

衛地濟北東阿縣西

南有大澤鄆人執之

杜以惠公徒因敗散還故邾人爲公執之今按公雖居鄆邾人反執

公徒言公失民孫氏得民也

初尹公佗學射於庚公差庚公差

學射於公孫丁二子追公

庚公差尹公佗爲孫氏追公

公孫丁

御公

丁爲公御車

子魚曰

即庚公差

射爲背師不射爲戮射

爲禮乎射兩軸而還

軸音鈞又渠說文輅下曲也杜云車輅卷者

尹公

佗曰子為師我則遠矣為去乃反之公孫丁授公

轡而射之貫臂失貫公子鮮從公即鮒獻及竟公

使祝宗告亡且告無罪定姜曰蘇公無神何告若

有不可誣也有罪若何告無舍大臣而與小臣謀

一罪也先君有冢卿以為師保而蔑之二罪也輕蔑

易也指寧余以中櫛事先君而暴妾使余三罪也

中悅手者櫛理髮者皆婦人事夫具暴如暴蔑其

告亡而已無告無罪公使厚成叔弔于衛厚成叔

名瘠厚曰寡君使瘠聞君不撫社稷而越在他竟

若之何不弔以同盟之故使瘠敢私於執事曰有

君不弔

弔也

有臣不敏

敏也

君不赦宥臣亦不帥

職增淫發洩其若之何

增其淫惡發洩為逐君事

衛人使大叔

儀對曰

即文子懿子祖

群臣不佞得罪於寡君寡君不以

即刑而悼棄之以為君憂

自傷悼棄去

君不忘先君之

好辱弔群臣又重恤之

謂有君不弔等語

敢拜君命之辱

重拜大貺

謝重恤賜

厚孫歸復命

成叔語

臧武仲曰衛

君其必歸乎有大叔儀以守有母弟鱄以出或撫

其內或營其外能無歸乎齊人以邾寄衛侯

邾齊

國所城國使衛侯居此

及其復也以邾糴歸

言獻公貪

右宰穀從

而逃歸衛人將殺之辭曰余不說初矣余狐裘而

羔袖

言初從公非心說如

乃赦之衛人立公孫剽

即殤公穆公孫

孫林父甯殖相之以聽命於諸侯

衛侯在邾臧紇如齊唁衛侯

弔失國

衛侯與之言

虐退而告其人曰衛侯其不得入矣其言糞土也

亡而不變何以復國子展子鮮聞之

二子皆獻公弟見臧

紇與之言道

道得其理也

臧孫說謂其人曰衛君必入

夫二子者或輓之或推之

前牽為輓後送為推

欲無入得乎

○師曠侍於晉侯

師曠晉樂師子野也侍於晉悼公

晉侯曰衛人

出其君不亦甚乎對曰或者其君實甚良君將賞

善而刑淫養民如子蓋之如天容之如地民奉其

君愛之如父母。仰之如日月。敬之如神明。畏之如

雷霆。其可出乎。夫君神之主。而民之望也。望謂為之主而

民仰若困民之主。言不恤民匱神乏祀。之當作之。言不

望之。作之字。百姓絕望。指人社稷無主。指神將安用

之。弗去何為。天生民而立之君。使司牧之。勿使失

性。有君而為之貳。使師保之。勿使過度。是故天子

有公諸侯。有卿。卿置側室。支子之官大夫有貳宗。

宗子副貳者士有朋友。同門曰友庶人工商皂隸牧圉。

皆有親暱。執牧藝曰工。通貨賄曰商。造成事曰以

相輔佐也。謂自天子以下善則賞之。賞推獎也。即

過則匡之

其匡救其惡

患則救之失則革之

革更

自王

以下各有父兄子弟以補察其政史為書

史大史君舉則

書

瞽為詩

樂官無目曰瞽詩樂章也示風刺

工誦箴諫

工樂人也誦箴諫之

辭

大夫規誨

大夫則規正教誨其君

士傳言

士卑不專達傳于大夫以諫

庶人謗

不與政商故謗議

商旅于市

陳貨以示時所尚如踊貴屨賤

百工獻

藝

獻其技以喻政事

故夏書曰

道人以木鐸徇于路官師

相規工執藝事以諫

徵征篇道人宣令之官木鐸金口木舌施政教時振以警

衆者也官以職言師以道言杜云大夫也疏謂大夫是羣官之長故曰官師一曰中士下士也規正

也執藝以諫也正月孟春於是乎有之諫失常也天

之愛民甚矣豈其使一人肆於民上以從其淫而

之愛民甚矣豈其使一人肆於民上以從其淫而

棄天地之性。必不然矣。

○冬。季孫宿會晉悼士。句。宋。華閱。衛孫林父。鄭簡

公孫。蔓。莒人邾人于戚。

晉侯問衛故於中行獻子。即荀偃對曰。不如因而定

之。衛有君矣。已立伐之。未可以得志。而勤諸侯。史

佚有言曰。因重而撫之。就佚周武王大史重不可移

仲虺有言曰。亡者侮之。亂者取之。仲虺湯左相

作取亂侮亡今但取其義不推亡固存。國之道也。

一本通字君其定衛以待時乎。冬會于戚。謀定衛

也。范宣子假羽毛於齊而弗歸。齊人始貳。杜云析

王者游車所建齊私有之因謂之羽毛宣子聞而借觀之

乙巳襄十七年○夏衛石買帥師伐曹

衛孫蒯田于曹隧蒯田於曹隧飲馬于重丘曹邑

毀其甕甕飲水而壞之也重丘人閉門而詢之杜詢

云罵也今按辱也曰親逐而君爾父為厲厲惡也言林父親逐君為強暴

是之不憂而何以田為夏衛石買即共子成子之

孫蒯伐曹取重丘曹人怨于晉

丙午襄十八年○夏晉人平執衛行人石買穀梁曰稱行人怨接于上也謂

怨其君而執其使罪在上也

夏晉人執衛行人石買于長子上黨郡縣名執孫蒯于

純留

亦上黨郡縣名

為曹故也

丁未

襄九年

衛石共子卒悼子不哀

悼子名惡共子買之子

孔成

子曰

即孟釐衛大夫

是謂廢其本必不有其宗

宗謂為卿繼祀而族

人宗之以為主詩所謂君之宗之是也

戊申

襄二十年

衛甯惠子疾召悼子

即喜殖之子

曰吾得罪於

君悔而無及也名藏在諸侯之策曰孫赫父甯殖

出其君君入則掩之若能掩之則吾子也若不能

猶有鬼神吾有餒而已不來食矣

若不納君掩惡雖飢亦不來享

其悼子許諾惠子遂卒

癸丑

襄二十五年

晉侯使魏舒宛沒逆衛侯

獻公以十四年奔齊侯

時晉平公會諸侯於夷儀伐齊與齊平慰其失國故使二子迎之于齊將使衛與之

夷儀崔子止其帑以求五鹿五鹿衛地崔子欲得之故止獻公妻子

○衛侯入于夷儀夷儀本邢地衛滅邢而為衛地

衛獻公入于夷儀○衛獻公自夷儀使與甯喜言

甯喜許之大叔文子聞之曰嗚呼詩所謂我躬不

說遑恤我後者說邶風谷風小雅小弁皆作閔躬身也遑暇也言身且不容必不暇

恤其後甯子可謂不恤其後矣將可乎哉殆必不

可君子之行思其終也思其復也終謂終必有成復謂後亦可行

書曰慎始而敬終終以不困今書蔡仲之命作慎厥初惟厥終終不困

困窮也詩曰夙夜匪解以事一人詩大雅烝民篇一人君也引之以言

置君不定今甯子視君不如奕棋其何以免乎奕者舉

棋不定不勝其耦而况置君而弗定乎必不免矣

九世之卿族

甯出自衛武公四世莊子速速子武子愈愈子相相子殖殖子喜九世

一舉而滅之可哀也哉

甲寅

二十有六年春王二月辛卯衛甯喜弑其君剽

衛孫林父入于戚以叛甲午衛侯衍復歸于衛夏晉

侯使荀吳來聘

衛獻公使子鮮為復

子鮮即母弟鱄復謂反國也

辭敬如強命

之

敬如獻公及子鮮之母

對曰君無信臣懼不免敬如曰雖

然以吾故也許諾初獻公使與甯喜言甯喜曰必

子鮮在不然必敗故公使子鮮子鮮不獲命於敬

妣以公命與甯喜言曰苟反政由甯氏祭則寡人

甯喜告蘧伯玉伯玉曰瑗不得聞君之出敢聞其

入遂行從近關出告右宰穀衛大右宰穀曰不可

獲罪於兩君前出獻公今弑剽天下誰畜之悼子曰即喜吾

受命於先人不可以貳穀曰我請使焉而觀之遂

見公於夷儀反曰君淹恤在外十二年矣淹久留恤憂患

也而無憂色亦無寬言猶夫人也其為人猶如故若不已

死無日矣悼子曰子鮮在右宰穀曰子鮮在何益

多而能亡於我何為多猶甚也言子鮮欲踐言多不過亡出悼子曰

卷之六 哀公十四年春 齊景公十四年春

雖然弗可以已孫文子在戚即林父孫嘉聘於齊林父

子孫襄居守即伯國林父子二月庚寅甯喜右宰穀伐孫

氏不克伯國傷甯子出舍於郊不勝故舍伯國死

孫氏夜哭國人召甯子甯子復攻孫氏克之辛卯

殺子叔剽父黑臂字子叔曰以為氏無誼故也及太子角剽之子書曰

甯喜弑其君剽言罪之在甯氏也孫林父以戚如

晉書曰入于戚以叛罪孫氏也臣之祿君實有之

義則進否則奉身而退專祿以周旋戮也義則進食祿邑

不義則奉身退奉身猶持身也言不敢持其祿邑也周旋謂以祿邑進退從己也戮謂據土背居罪

之大甲午衛侯入書曰復歸國納之也本晉納之夷儀今從

夷儀入國嫌若晉所納故發國納之例大夫逆於竟者執其手而與

之言

竟衛竟上迎之遠故

道逆者自車揖之

道北

揖之故逆於門者領之而已

門國門也又近於道故

顯領謂

公至使讓大叔文子曰寡人淹恤在外二

三子皆使寡人朝夕聞衛國之言吾子獨不在寡

人

在存問也公問文子

古人有言曰非所怨勿怨

寡人怨矣對曰臣知罪矣臣不佞不能負羈紲以

從扞牧圉臣之罪一也

羈馬絡頭扞衛也養

有出

者有居者臣不能貳通內外之言以事君臣之罪

二也

出指獻公

有二罪敢忘其死乃行從近關出

公使止之衛人侵戚東鄙以林父孫氏愬于晉晉

成茅氏東鄙氏戚殖綽伐茅氏殺晉成三百人殖綽齊勇

土獻自齊歸疑以成衛者孫蒯追之弗敢擊文子

曰厲之不如文子蒯之父厲遂從衛師敗之圍衛地

名雍鉏獲殖綽雍鉏孫復愬于晉○晉人為孫氏

故召諸侯將以討衛也夏中行穆子來聘召公也

○公羊曰此諉君以弑也其言復歸何註諉詐也衛侯為弑

所篡逐不能以義自復詐願居夷儀為弑臣然後

侯間使弒喜弑之君子耻其所為故就為臣以諉

君惡之不當書復歸傳惡剽也曷為惡剽剽之立

於是未有說也說同悅也然則曷為不言剽之立

者以惡衛侯也

欲起衛侯失壤出奔故不書則立

公會晉人鄭

簡

良霄宋

平

人曹

武

人于澶淵

澶音蟬衛地近

戚○晉人執衛甯喜

六月公會晉趙武宋向戌鄭良霄曹人于澶淵以

討衛疆戚田取衛西鄙懿氏六十以與孫氏

戚城西北

五十里有懿城因姓以名城晉取其田六十井與孫氏

趙武不書尊公也向

戌不書後也鄭先宋不失所也

趙武主會書人者公往會臣非禮故

不書武以尊公非以武罪而貶也向戌後會期故

人良霄非主會故書氏族不嫌於是衛侯會之

會而不至晉人執甯喜北宮遺

遺托之子執二子討其君伐孫氏也

使女齊以先歸

女齊晉司馬侯也

衛侯如晉晉人執而囚

之士弱氏

晉主獄大夫

秋七月齊侯

景

鄭伯為衛侯故

如晉晉侯兼享之晉侯賦嘉樂

大雅篇名取嘉樂君子頌頌令德宜

民宜人受祿于天此齊鄭二君

國景子相齊侯賦蓂蕭

景子國弱也蓂蕭小

雅篇名取蓂蕭零露既見君子我心焉序云澤及四海也以喻晉君受天子澤而慰

我心

子展相鄭伯賦緇衣

子展公撫舍之緇衣鄭也風篇名取緇衣之宜

故子又政為子適子之館子還子受叔向命晉侯

拜二君曰寡君敢拜齊君之安我先君之宗祧也

敢拜鄭君之不貳也國子使晏平仲私於叔向曰

晉君宣其明德於諸侯恤其患而補其闕

引其不足意

正其違而治其煩抑其大過意所以為盟主也。今為臣

執君若之何。叔向告趙文子。文子以告晉侯。晉侯

言衛侯之罪。使叔向告二君。數衛侯殺晉成人國罪不為孫氏故也

子賦轡之柔矣。逸詩見周書馬之剛矣轡之柔矣馬亦不剛轡亦不柔志氣應應取

與不疑義取寬政以安子展賦將仲子兮。鄭風篇名取衆

言可畏言衛君雖別有晉侯乃許歸衛叔向曰。鄭

七穆罕氏其後亡者也。子展儉而壹。鄭穆公十一子然士子

孔及子孔三族已亡子羽不為卿故惟言七謂子展罕氏子西駟氏子產國氏伯有良氏子大叔游

氏子石豐氏○衛人歸衛姬于晉。乃釋衛侯。君子

伯石印氏是以知平公之失政也。

○公羊曰此執有罪何以不得為伯討不以其罪

執之也不討其弑君而討其伐

乙卯襄二
十七年

○衛殺其大夫甯喜衛侯之弟鱄出奔晉

鱄作專

衛甯喜專公患之公孫免餘請殺之公曰微甯子

不及此吾與之言矣政由甯氏事未可知祇成惡名止

也祇適也對曰臣殺之君勿與知乃與公孫無地公

孫臣謀皆衛大夫使攻甯氏弗克皆死公曰臣也無罪

父子死余矣獻公出時公孫臣之父為孫氏殺夏免餘復攻甯氏

殺甯喜及右宰殺尸諸朝石惡將會宋之盟石惡喜氏

冀時惡將會宋盟弭兵見楚受命而出衣其尸枕之股而哭之

欲歛以亡懼不免且曰受命矣乃行子鮮曰逐我

者出指林父有納我者死指喜無罪賞罰無章何

以沮勸章明也罰所以沮君失其信而國無刑不

亦難乎信謂許政由齊且縛實使之遂出奔晉公

使止之不可及河又使止之止使者而盟於河以盟

示不託於木門不鄉衛國而坐木門晉地謂寄於

反衛木門大夫勸之仕不可曰仕而廢其事罪也

從之昭吾所以出也將誰愬乎吾不可以立於人

之朝矣言若仕而廢事則是無功而食為己之罪

固不可也若仕而治其事則人皆知其賢

其出亡非已取由乎君之罪彰人之失亦不可終也二者不可顯言於人故已不仕立人之朝

身不仕公喪之如稅服終身杜云稅即總也音歲

為總喪服總縗縗細而縗非五服之常本無月數公痛慈子鮮故持為此服公尋薨故曰終身又

禮小功不稅喪服已過而追服為稅公與免餘邑六十杜云此一乘

也論語或言千室或言十室明通稱也辭曰唯卿備百邑臣六十矣

下有上祿亂也臣弗敢聞且寧子唯多邑故死臣

懼死之速及也公固與之受其半以為少師公使

為卿辭曰大叔儀不貳能贊大事君其命之乃使

文子為卿即大

○穀梁曰稱國以殺罪累上也累事相緣及也寧言責及其上也

喜弑君其以累上之辭言之何也嘗為大夫與之

涉公事矣甯喜由君弑君而不以弑君之罪罪之

者惡獻公也

涉經歷也言不速誅喜而與之任衛事故罪累上由用也言喜進用獻公

而絀

剽生殺在已經不以弑君罪之衛侯之弟專

出奔晉專喜之徒也專之為喜之徒何也已雖急

納其兄與人之臣謀弑其君是亦弑君者也專其

曰弟何也

弟則無罪

專有是信者君賂不入乎喜而殺

喜是君不直乎喜也故出奔晉織絢邯鄲終身不

不言衛專之去合乎春秋

信謂不負其約也言獻公本使專與喜為約納

已許以賂今反殺之是獻公負約不信於喜也專以此故遂出奔晉不仕且不言衛是專有信耻失

言而又能隱其兄失言之惡其去合乎春秋故書弟以罪衛侯絢其具反者復歸之頭者舊註非

○公羊曰衛殺其大夫甯喜則衛侯之弟鱣曷爲出奔晉爲殺甯喜出奔也曷爲爲殺甯喜出奔衛甯殖與孫林父逐衛侯而立公孫剽甯殖病將死謂喜曰黜公者非吾意也孫氏爲之我即死汝能固納公平乎喜曰諾甯殖死喜立爲大夫使人謂獻公曰黜公者非甯氏也孫氏爲之吾欲納公何如獻公曰子苟欲納我吾請與子盟喜曰無所用盟請使公子鱣約之獻公謂公子鱣曰甯氏將納我吾欲與之盟其言曰無所用盟請使公子鱣約之

子固爲我與之約矣公子鱄辭曰夫負羈繫執銖
鎖從君東西南北則是臣僕庶孽之事也若夫約
言爲信則非臣僕庶孽之所敢與也獻公怒曰黜
我者非寧氏與孫氏凡在爾爾指鱄也言出我非
二人乃在鱄也以此激公子鱄不得已而與之約已約歸至殺寧喜

獻公歸至國
背約殺喜

公子鱄挈其妻子而去之將濟于河

携其妻子而與之盟

恐乘舟有不測已意
終不得知故與之盟

曰苟有

屢衛地食衛粟者昧雉彼視

昧割也時割雉爲盟
惡獻公失信故不居

其國

丙辰襄二
十八年

○夏衛石惡出奔晉

衛人討甯氏之黨故石惡出奔晉衛人立其從子

圃以守石氏之祀禮也石碣有大功於衛

丁巳襄二十九年○庚午衛侯衍卒○秋九月葬衛獻公

襄公名惡獻公子襄三十年即位昭七年卒在位九年謚法辟地有德曰襄

丙寅昭七年○秋八月戊辰衛侯惡卒

秋八月衛襄公卒晉大夫言於范獻子曰衛事晉

程睦一作睦晉不禮焉庇其賊人而取其地謂庇林父取戚

六十邑與之故諸侯貳詩曰鴟鵂在原兄弟急難鴟鵂難渠

也在原野飛則鳴行則搖有急難意又曰死喪之

威兄弟孔懷威畏也孔甚言死喪可畏惟兄弟

之不睦於是乎不弔

言衛乃兄弟國如况遠人誰

敢歸之今又不禮於衛之嗣衛必叛我是絕諸侯

也獻子以告韓宣子宣子說使獻子如衛弔且反

戚田衛齊惡告喪于周

齊惡衛大夫

且請命王使成簡

公如衛弔

簡公王卿士

且追命襄公曰叔父陟恪在我

先王之左右以佐事上帝

陟升恪敬也或疑恪當為降叔父指襄公上帝

指天也

余敢忘高圉亞圉

高圉公劉玄孫之孫亞圉高圉之子皆周之先為殷

諸侯亦受追命之典故云

○穀梁曰鄉曰衛齊惡

在元年經見楚

今日衛侯惡此何

為君臣同名也君子不奪人名不奪人親之所名

重其所以來也王父名子也

王父受名子於王父

○十有二月癸亥葬衛襄公

衛襄公夫人姜氏無子

宣

嬖人嬖始生孟縶

周又

抽始烏答反

孔成子夢康叔謂已立元

成子即縶

孫夢康叔命立元為

余使羈之孫圉與史苟相之

君夢時元向未生

史朝亦夢康叔謂已余將命而

子苟與孔烝鉏之曾孫圉相元

史朝衛

史朝見成

子告之夢夢協

合

晉韓宣子為政聘于諸侯之歲

昭二

嬖始生子名之曰元

元始

孟縶之足不良能

行良善也不善於能行

孔成子以周易筮之曰元

尚享衛國主其社稷遇屯三坎上又曰余尚立繫

尚克嘉之嘉善也遇屯之比三坎上震下變為坤以示史朝

史朝曰元亨又何疑焉周易屯元亨利貞勿用有攸往利建侯成子

曰非長之謂乎元謂宗子之尊長非名元也對曰康叔名之可

謂長矣孟非人也將不列於宗不可謂長足跛非全人不

可列于宗廟如下言臨祭祀類杜云不可列為宗主且其繇曰利建侯嗣吉

何建建非嗣也二卦皆云子其建之上屯元遇屯即

是也卜繫遇屯之比屯初九爻辭初九磐桓利居貞利建侯蓋本卦論彖辭而之卦論爻辭皆言利

也建侯康叔命之二卦告之筮襲於夢武王所用也

大誓曰朕夢協朕卜襲於休祥戎商必克是也弗從何為自繇辭至此弱言當建立元弱

足者居侯王社稷臨祭祀奉人民事鬼神從會朝

又焉得居跛者宜居不能行侯則當行以上言孟不宜為侯各以所利孟跛

利居元吉利建不亦可乎故孔成子立靈公十二月癸亥

葬衛襄公

靈公名元襄公妾嬀始子昭八年即位哀二年卒在位四十二年諡法亂而不損曰靈

己卯昭二十年○秋盜殺衛侯之兄烝

衛公子孟烝狎齊豹豹齊惡子為司寇奪之司寇與酈豹為衛司

寇酈音絹其邑也有役則反之無則取之繫足不能行故有役則反豹官

邑使公孟惡北宮喜文子佗之子褚師圃定子申之父欲去

之公子朝通于襄夫人宣姜宣姜靈嬀之母懼而欲以作

亂故齊豹北宮喜褚師圃公子朝作亂初齊豹見

宗魯於公孟為驂乘焉將作亂而謂之曰公孟之

不善子所知也勿與乘吾將殺之對曰吾由子事

公孟子假吾名焉故不吾遠也謂豹稱已善近我雖其

不善吾亦知之抑以利故不能去是吾過也今聞

難而逃是僭子也僭不信也若逃難不與公孟乘是子舉我之言為不信子

行事平吾將死之以周事子而歸死於公孟其可

也周猶完全也周事子謂使豹言不僭也歸死公孟謂食其祿不避其難也丙辰衛侯

在乎壽衛下邑公孟有事於蓋獲之門外有事祭也蓋獲衛郭

門名齊子氏帷於門外而伏甲焉齊豹之家帷設於蓋獲門外若今看

有復律地之十六

位而伏甲士於中使祝龜寘戈於車新以當門龜音瓜

於車新其上也使一乘從公孟以出孟塞道使不得前也

孟使不得後使華齊御公孟齊亦宗魯駟乘及閔中

也齊氏用戈擊公孟宗魯以背蔽之斷肱以中公

孟之肩皆殺之公聞亂乘驅自閔門入閔門衛門也

名慶比御公公南楚駟乘使華寅乘貳車公副也及

公宮鴻駟馳乘于公駟音雷駟音類人名也公

載寶以出褚師子申遇公于馬路之衝衝馬路道名

遂從過齊氏使華寅肉袒執蓋以當其闕肉袒示

齊氏敵執蓋藏公以齊氏射公中南楚之背南楚

孟當侍從闕空處

公遂出寅閉郭門

公恐追

踰而從公

從公踰郭出

公如死

鳥

衛地

析朱鉏霄從竇出徒行從公

朱鉏成子黑背孫

齊侯

使公孫青聘于衛

齊侯景公也青齊頃公之孫

既出聞衛亂使

請所聘公曰猶在竟內則衛君也乃將事焉

乃將命而

行聘事也

遂從諸死鳥諸將事辭曰亡人不佞失守社

稷越在草莽吾子無所辱君命賓曰寡君命下臣

於朝曰阿下執事臣不敢貳

阿比也使青比衛臣下青奉此命不敢以

賓自居故欲將事也

主人曰君若惠顧先君之好照臨敝邑

鎮撫其社稷則有宗祧在

言受聘當在宗廟

乃止

不行聘事衛

侯固請見之不獲命以其良馬見為未致使故也

禮見者若已致君命則享有庭實復有衛侯以為

乘馬賓將擗

將請也詩云將仲子兮擗夜戒守有

主人辭曰亡人之憂不可以及吾子草莽之中不

足以辱從者敢辭賓曰寡君之下臣君之牧圉也

若不獲扞外役是不有寡君也臣懼不免於戾請

以除死

扞外役謂擗也不有寡君謂衛君與齊君等不敬衛是不有齊也青俱此罪故請擗

以除

親執鐸終夕與於燎

燎衛之設火守備者

齊氏之宰渠

子召北宮子

即北宮喜渠子召之同叛

北宮氏之宰不與聞謀

殺渠子遂伐齊氏滅之丁巳晦公入與北宮喜盟

于彭水之上秋七月戊午朔遂盟國人八月辛亥

公子朝褚師圃子玉霄朝之子子高魴霄之子出奔晉

皆齊氏當出奔閏月戊辰殺宣姜與公子朝通謀政衛侯賜北宮

喜謚曰貞子謚法外內用情曰貞賜析朱鉏謚曰成子霄從公故

而以齊氏之墓予之皆未死而賜謚及墓田傳終言之衛侯告寧

于齊且言子石即公孫青言有禮齊侯將飲酒徧賜大夫

曰二三子之教也謂育能敬衛苑何忌辭苑何忌齊大夫曰與

於青之賞必及於其罰在康誥曰父子兄弟罪不

相及此非康誥全文乃撮其語也况在群臣臣敢貪君賜以干

先王干犯也犯法琴張聞宗魯死將往弔之琴張孔子弟子

姓琴名牢字子開仲尼曰齊豹之盜而孟縶之賊

宗魯與其亂是豹畜女何弔焉君子不食姦孟知不

善而食其祿不受亂許齊豹不為利疚於回疚病也回

故不以回待人知其惡懷不蓋不義蓋掩覆也

而蓋前非也不犯非禮合義為犯非禮

○穀梁曰盜殺衛侯之兄輒盜賤也其曰兄母兄

也目衛侯衛侯累也衛侯不能保其兄然則何為不為君

也曰有天疾者不得入乎宗廟輒者何也曰兩足

不能相過齊謂之綦音基連併也楚謂之蹶女輒反聚合不辭也

衛謂之輒一作繫如見絆繫也

七年戊辰○秋齊侯景鄭伯獻盟于鹹齊人執衛行人

北宮結以侵衛齊侯衛侯盟于沙齊書人而又書侵以重貶之結書行

人非使人罪也公作沙澤

秋齊侯鄭伯盟于鹹衛地齊景國伯叛晉徵會于衛衛侯欲

叛晉諸大夫不可使北宮結如齊而私於齊侯曰

執結以侵我齊侯從之乃盟于瑣瑣即沙陽平元城縣東南有沙

亭

已亥定八年○晉定士鞅帥師侵鄭獻遂侵衛士公作趙書侵罪晉

也○李孫斯仲孫何忌帥師侵衛冬衛侯鄭伯盟于

曲濮結叛晉曲濮衛地

晉師將盟衛侯于鄆澤時晉士鞅趙鞅荀寅救魯會于衛无地還就衛鄆澤

地趙簡子曰群臣誰敢盟衛君者衛叛晉即齊簡子欲推辱之

涉佗成何曰我能盟之衛人請執牛耳禮卑者執牛耳尊者執

以當泣牛耳次盟者諸侯與大夫執之也成何曰衛吾

溫原也焉得視諸侯言衛小不可比晉邑不得為諸侯將軟以盟血

佗按衛侯之手及挽註按音最擠排也按衛侯怒

王孫賈趨進曰盟以信禮也有如衛君其敢不唯

禮是事而受此盟也信同伸言盟以申禮有如此

盟無禮衛侯欲叛晉而患諸大夫王孫賈使次于郊

次舍郊外以示責大夫問故公以晉詬語之詬耻辱也且曰寡

人辱社稷其改卜嗣寡人從焉從謂為臣從大夫所卜之君也

曰是衛之禍豈君之過也公曰又有患焉謂寡人

必以而子厚與大夫之子為質大夫曰苟有益也

公子則往群臣之子敢不皆負羈紲以從羈馬絡頭紲

也將行王孫賈曰苟衛國有難工商未嘗不為患

使皆行而後可欲以激怒國人公以告大夫乃皆將行之

行有日公朝國人使賈問焉曰若衛叛晉晉五伐

我病何如矣皆曰五伐我猶可以能戰能猶耐也賈曰

然則如叛之病而後質焉何遲之有乃叛晉晉人

請改盟弗許秋晉士鞅會成桓公侵鄭圍蟲牢鄭邑

報伊闕也鄭伐周伊闕晉為周報之遂侵衛九月師侵衛晉故

也。

庚子定九年

○秋齊侯景衛侯次于五氏

秋齊侯伐晉夷儀

為衛討

敝無存之父將室之

無存齊人

其父將為取妻

辭以與其弟曰此役也不死反必娶於高

國

齊二貴族

先登求自門出死於雷下

無存儀既入城夷

於門屋雷下

東郭書讓登

書東郭偃後也登城人所難故讓衆使後而已先登

彌從之

犁彌齊人從謂隨書登城也

曰子讓而左我讓而右使

登者絕而後下書左彌先下

犁彌言書與已侯外登城者盡絕而後下

入城戰恐外不能登也言此以詐書而實欲先

書與王猛息猛曰我先登

書歛甲曰曩者之難今又難焉

其止息歛甲收歛

止息之甲惡猛壞已功欲擊之也難去聲猛笑曰言向有登城難今又有猛之難不可不擊

吾從子如騃之靳

靳音制騃以皮為環前却無常處

車衡止容二服馬騃馬又別為二制以引車內外無定法故引兩騃馬外牽貫於制中而執之使不

出也晉車千乘在中牟

疏云中牟當在溫水之上非鄭樊陽中牟縣也故夷

儀之師次中牟也

衛侯將如五氏

齊在晉地五氏衛將往助之

卜過之

龜焦衛侯曰可也衛車當其半寡人當其半敵矣

乃過中牟中牟人欲伐之衛褚師圃亡在中牟

褚師

圃舊衛大夫時已奔在中牟

曰衛雖小其君在焉未可勝也齊

師克城而驕

新夷儀

其帥又賤

書非

遇必敗之不如

從齊乃伐齊師敗之

獲齊車五百乘事見哀十五年

齊侯致禚媚

杏於衛

者齊致此三邑于衛

齊侯賞犁彌

辭曰有先登者臣從之誓憤而衣狸製

說文作憤

蓋上下相植製即裏也

公使視東郭書曰乃夫子也吾賜子

公賞東郭書辭曰彼賓旅也

謂彌與已如賓主相讓旅俱建退

賞犁彌齊師之在夷儀也齊侯謂夷儀人曰得敵

無存者以五家免

常給與五家令

乃得其尸公三禭

之

比殯三加禭

與之犀軒與直蓋而先歸之

犀軒

也直蓋高蓋也

坐引者以師哭之

停喪以親推之

三

齊侯自推喪

辛卯定十年

○晉趙鞅帥師圍衛

以書圍不足

○冬齊侯

景

衛侯鄭

聲

游速會于安甫

安甫齊地公作鞅謝氏曰以衛有晉難

晉趙鞅圍衛報夷儀也初衛侯伐邯鄲午於寒氏

邯鄲廣平縣也午晉守邯鄲大夫寒氏即五氏城其西北而守之霄燔

霄散一本及晉圍衛午以徒七十人門於衛西門

殺人於門中

衛開門與午聞

曰請報寒氏之役涉

佗曰夫子則勇矣然我往必不敢啓門亦以徒七

十人旦門焉步左右皆至而立如植

杜云至其門下步行門左

右然後立侍如木不動以示盛

日中不啓門乃退反役晉人討

衛之叛故曰由涉佗成何於是執涉佗以求成于

衛衛人不許晉人遂殺涉佗成何奔燕君子曰此

之謂棄禮必不鈞

必見殺不能與人鈞等

詩曰人而無禮胡

不遘死涉佗亦遘矣哉

詩鄘風相鼠篇遘速也

甲辰定

十有三年春齊侯衛侯

景

衛侯次于垂葭

殺無衛侯葭公作殺

十三年春齊侯衛侯次于垂葭實耶氏

耶氏即垂葭高平縣

野縣西南有耶亭

使師伐晉將濟河諸大夫皆曰不可邴

意茲曰

齊大夫

可銳師伐河內

河內汲郡

傳必數日而後

及絳

晉傳車奔告晉必數日方至

絳不三月不能出河則我既

濟水矣乃伐河內齊侯皆歛諸大夫之軒

以罰其言不伐

晉唯邴

意茲乘軒齊侯欲與衛侯乘與之晏而駕

乘廣載甲馬

乘廣兵車也

使告曰晉師至矣

齊侯偽使人告晉師

至以恐齊侯曰比君之駕也寡人請攝北及也又

恐緩請以已乃介而與之乘驅之或告曰無晉師

乃止

乙巳十有四年春衛公叔戌來奔衛趙陽出奔宋景公

陽衛趙厲孫昭子舉○夏衛北宮結來奔

初衛公叔文子朝而請享靈公即公叔發欲退見

史鮒而告之史鮒即史鮒曰子必禍矣子富而君

貪罪其及子乎文子曰然吾不先告子是吾罪也

若告子則必君既許我矣其若之何史鮒曰無害

子臣可以免言文子執臣禮富而能臣必免於難

上下同之

此言文子臣所以免亡

成也驕其亡乎

成文子之驕汰必

亡富而不驕者鮮吾唯子之見驕而不亡者未之

有也成必與焉

此言成驕所以必亡

及文子卒衛侯始惡於

公叔戌以其富也公叔戌又將去夫人之黨

靈公夫人

南子之黨如宋朝之徒

夫人愬之曰成將為亂十四年春衛

侯逐公孫戌與其黨故趙陽奔宋

趙陽成黨

成來奔

魯○夏衛北宮結來奔公叔戌之故也

○衛世子蒯聵出奔宋衛公子孟驅出奔鄭

書世子見靈公無道

不能正家危其國本

衛侯為夫人南子召宋朝

南子宋女舊通於宋公

公為夫人召之

入衛非會于洮。太子蒯瞶獻手于齊。過宋野。時齊侯宋

公會洮救范氏見晉孟邑名蒯瞶野人歌之曰。既

定爾婁猪。婁猪求子猪也得盍歸吾艾豨。杜云艾豨

杜豕也。今按少艾之艾。美好也。指子朝。太子羞之。謂戲陽速。太子家

聲曰。從我而朝。少君。少君小君也。夫人之稱。少君見我。我顧

乃殺之。速曰。諾。乃朝夫人。夫人見太子。太子三顧

速。不進。夫人見其色。啼而走曰。蒯瞶將殺余。公執

其手以登臺。太子奔宋。盡逐其黨。故公孟彊出奔

鄭。即孟繁之自鄭奔齊。太子告人曰。戲陽速禍余。

戲陽速告人曰。太子則禍余。太子無道。使余殺其

母余不許將戕於余戕殘也若殺夫人將以余說余

是故許而弗為以紓余死諺曰民保於信吾以信

義也言民之立身在信我以義為信故不從非義言

戊申哀二年○夏四月丙子衛侯元卒○晉趙鞅帥師納

衛世子蒯聵于戚書納見蒯聵之罪為國人所不受書世子見當有國而拒之之非父

不父子也○冬十月葬衛靈公七月而葬亂故也

初衛侯遊于郊子南僕靈公公曰余無子將立女

不對他日又謂之對曰郕不足以辱社稷君其改

圖君夫人在堂三揖在下孤卿特揖大夫以其等旅揖士旁三揖君

命祗辱言立適當以禮內外同夏衛靈公卒夫人

曰。命公子郢為太子。君命也。對曰。郢異於他子。且

君浚於吾手。若有之。郢必聞之。且亡人之子。輒在。

輒。刺。績。之。子。乃。立。輒。六。月。乙。酉。晉。趙。鞅。納。衛。大。子。鹽。公。適。孫。也。

于戚。衛。霄。迷。陽。虎。曰。虎。奔。晉。趙。氏。右河而南必至焉。杜。云。

是。時。河。北。流。過。元。城。界。戚。在。河。外。晉。軍。已。渡。河。故。欲。出。河。右。而。南。戚。頃。丘。衛。縣。西。戚。城。在。枯。河。東。從。

晉。師。言。河。西。為。內。東。為。外。故。云。戚。在。河。外。也。使太子綏。綏。音。問。始。八。人。發。喪。之。服。

衰經偽自衛逆者。告於門哭而入。遂居之。告。于。戚。守。門。者。

舉。哀。入。遂。居。戚。邑。

出公。名。輒。刺。績。子。靈。公。孫。哀。三。年。即。位。哀。十。五。年。父。刺。績。入。出。奔。魯。哀。十。七。年。刺。績。弒。立。

公。孫。般。師。十。二。月。齊。伐。衛。立。公。子。起。哀。十。八。年。衛。逐。起。出。公。復。入。衛。二。十。五。年。復。奔。宋。卒。於。越。

己酉三年春齊景國夏衛石曼姑帥師圍戚殺梁曰

也其先國夏何也子不圍父也

三年春齊衛國求援於中山曼姑悼子惡之

丙辰哀○衛公子孟彊自齊歸于衛彊自鄭奔齊

丁巳哀○衛世叔齊出奔宋書名罪

冬衛大叔疾出奔宋疾即悼子懿子中初疾娶于

宋子朝其娣嬖所娶宋朝女子朝出出奔孔文子使

疾出其妻而妻之即孔圉成子羈之孫惡朝故疾

使侍人誘其初妻之娣寘於犁犁衛邑疾溺於嬖

逐而為之一宮如二妻文子怒欲攻之仲尼止之

遂奪其妻

孔文子奪其女不嫁疾

或淫于外州外州人奪之

軒以獻

外州衛邑也

耻是二者故出衛人立遣使

室孔姑

遺疾之弟孔姑即疾之妻

疾臣向魋

疾奔宋為納

美珠焉與之城鉏

邑

宋公求珠魋不與由是得罪

及桓氏出

桓氏即向魋出奔在十四年

城鉏人攻大叔疾衛莊

公復之

使疾自宋還衛

使處巢死焉

巢衛邑

殯於郎衛地葬於

少禘

亦衛地傳言其失所

初晉悼公子慙亡在衛使其女僕

而田大叔慙子止而飲之酒

慙與之疾之父止飲酒

遂聘

之生悼子

即疾悼子

即位故夏戊為大夫

戊杜云悼子

也子甥

悼子亡衛人翦夏戊

翦削也

孔文子之將攻大

叔也訪於仲尼仲尼曰胡簋之事則嘗學之矣夏曰

胡同曰簋皆禮器

甲兵之事未之聞也退命駕而行曰鳥

則擇木木豈能擇鳥文子遽止之曰圍豈敢度其

私訪衛國之難也

圍文子之名言非謀己為國謀也

將止魯人以

幣召之乃歸

於是夫子自衛反魯樂正雅頌各得其所

辛酉哀十五年

○衛公孟彊出奔齊

結經

莊公

名蒯瞶靈公于出公輒父哀十六年即位二年弒

壬戌哀

十有六年春王正月己卯衛世子蒯瞶自戚入

于衛衛侯輒來奔二月衛子還成出奔宋

子還成即靖成還音

旋一

衛孔圉取大子蒯聵之姊生慍蒯聵妹孔氏之豎

渾良夫長而美孔文子卒通於內通伯大子在戚

孔姬使之焉大子與之言曰苟使我入獲國服冕

乘軒三死無與冕軒大夫車服與之盟為請於伯

姬閏月良夫與大子入舍於孔氏之外圍昏二人

蒙衣而乘良夫與大子蒙衣寺人羅御如孔氏孔

氏之老嬖寧問之寧孔氏稱姻妾以告遂入適伯

姬氏既食孔伯姬杖戈而先大子與五人介輿假

從之介被甲也載迫孔慍於厠強盟之孔氏事故

逐轍一本遂劫以登臺嬖寧將飲酒炙未熟聞亂

作叔慍

使告季子

子路為孔

召獲駕乘車

召衛大夫名獲者駕公車言乘

車不欲

行將食矣衛侯輒來奔季子將入遇子

羔將出

子羔衛大夫高

曰門已閉矣季子曰吾姑

至焉子羔曰弗及不踐其難

謂事不與已

季子曰

食焉不辟其難

謂食悝祿當救其難

子羔遂出子路入及門

公孫敢門焉

守

曰無入為也

言轍已出無以入為徒自取難

季子

曰是公孫也求利焉而逃其難由不然利其祿必

救其患有使者出乃入

有君使開門

曰天子馬用

孔悝雖殺之必或繼之

言安用劫孔悝登臺雖殺孔悝必有人繼之以攻汝

且曰天子無勇若燔臺半必舍孔叔天子聞之懼

下石乞孟黶敵子路。二子蒯以戈擊之斷纓子路

曰君子死冠不免。不使冠免首在地結纓而死。戴冠整結其纓而後

死孔子聞衛亂曰柴也其來由也死矣孔惺立莊

公。即蒯莊公害故政欲盡去之。欲去先謂司徒瞞

成曰寡人離病於外久矣子請亦嘗之。離遺也病困苦也常

試歸告褚師比。比即聲子定子申之子褚師國之孫成歸以告之欲與之

伐公不果。決十六年春瞞成褚師比出奔宋。欲伐

不果而衛侯使駟武子告于周。駟武子衛大夫勝也曰蒯瞶

得罪于君父君母逋竄于晉晉以王室之故不棄

兄弟寘諸河上。謂居天誘其衷獲嗣守封焉使下

...

臣勝敢告執事。王使單平公對曰。單武子勝以嘉命

來告余一人。往謂叔父。余嘉乃成世。謂能繼父復爾祿

次敬之哉。方天之休弗敬弗休。悔其可追。方天降休福共

不敬則不福矣○六月衛侯飲孔悝酒於平陽。東郡燕縣東北有平

陽重酬之。大夫皆有納焉。財賄也醉而送之。夜半而

遣之。夜半遣之。慍不欲令人見。載伯姬於平陽而行。慍載母俱去

及西門。平陽之西門使貳車反。柝於西圃。柝藏主石函使副車還衛

西圃取孔氏廟主以從奔子伯季子初為孔氏臣。新登于公。臣家

升為衛大夫請追之。遇載柝者殺而乘其車。許公為反

柝遇之。許公為孔氏臣還曰。與不仁人爭。明無不

勝昔臣孔氏而追之是不仁也必使先射射三發皆遠許為許

為射之殪以其車從得祐於橐中以子伯之孔

悝出奔宋○衛侯占夢嬖人求酒於大叔僖子即大

叔遺疾弟不得與卜人比而告公曰君有大臣在西南

隅遺居在西南弗去懼害乃逐大叔遺遺奔晉衛侯謂

渾良夫曰吾繼先君而不得其器國之寶器若之

何良夫代執火者而言恐聞其謀屏去曰疾與亡

君太子疾皆君之子也召之而擇材焉可也召若

不材器可得也豎告太子小豎問其言太子使五人

輿玃從已劫公而強盟之盟求且請殺良夫公曰

其盟免三死曰請三之後有罪殺之公曰諾哉

癸亥十七年春衛侯為虎幄於藉圃成於藉田之圖新造惟

帷畫虎於上既成求令名者而與之始食馬天子請使良

夫良夫乘東甸兩牡甸說文作甸云中也東甸一

甸乘也甸出車一乘故以甸為名四馬為上乘而馬為中乘紫衣狐裘杜云紫衣若服

至袒裘不釋劔而食古者裘上有朝祭正服在君所於禮唯

袒正服露裼耳無露裘之時今良夫至君所恐食熱袒裘是不敬古者近君則解劔天子使

牽以退數之以三罪而殺之紫衣袒裘帶劔三者偪僭於君故為三罪

○晉趙鞅使告于衛曰君之在晉也志父為主請

君若太子來以免志父或君或太子來朝不然寡

君其曰志父之為也衛侯辭以難大子又使栾之

栾恐作詆譖訢也謂大子又使人諧訢公於鞅夏使得罪欲速得位或云栾扣栾之栾促偏意

六月趙鞅圍衛齊國觀陳瓘救衛觀國書子瓘陳桓兄並音貫

得晉人之致師者于王使服而見之子王即陳瓘字曰國

子實執齊柄而命瓘曰無辟晉師豈敢廢命子又

何辱言我必敵晉不必子致師簡子曰我卜伐衛未卜與齊戰

乃還王畏子○衛侯夢于北宮宮在北觀北見人登昆吾

之觀衛迂帝丘夏昆吾嘗居之後有觀在上披髮北面而譟曰登此

昆吾之虛綿綿生之瓜杜云綿綿瓜初生也良夫言已有以小成大之功若

瓜初生謂使衛侯得國余為渾良夫叫天無辜本盟當三次免死而并數

一時之事為三
罪殺之是無辜公親筮之胥彌赦占之胥彌赦曰不害

與之邑寘之而逃奔宋不取以實對衛侯貞卜。正

卜於其繇曰如魚窺尾窺音類赤也衡流而方羊裔

焉衡橫也裔水邊方羊同彷彿徒倚也杜云大國

滅之將亡闔門塞竇乃自後踰此皆冬十月晉復

伐衛入其郭將入城簡子曰止叔向有言曰怙亂

滅國者無後不欲乘人之衰衛人出莊公而與晉平晉立

襄公之孫般師而還十一月衛侯自鄆入般師出

初公登城以望見戎州戎州邑問之以告公曰我姬姓

也何戎之有焉剪之剪壞其邑公使匠父公欲逐石

圃石圃衛卿悼子惡之從子未及而難作辛巳石圃因匠氏攻

公公闔門而請弗許踰于北方而隊折股北方乃公宮之

後戎州人攻之大于疾公子青踰從公青疾弟也戎州

人殺之殺二子公入于戎州已氏已音紀戎人姓初公自城

上見已氏之妻髮美使髡之以為呂姜髡髡剃其髮為夫

人髡音地編髮首髡也既入焉而示之璧曰活我吾與女璧

已氏曰殺女璧其焉往遂殺之而取其璧衛人復

公孫般師而立之十二月齊人伐衛衛人請平立

公子起起靈公子執般師以歸舍諸潞齊邑

甲子哀十八年夏衛石圃逐其君起起奔齊衛侯輒自齊

復歸逐石圃

以圃逐兩君

而復石魍與大叔遺

蒯聩所逐者

辛未

二十五年夏五月庚辰衛侯出奔宋

衛侯報也

侯為靈臺于藉圃與大夫飲酒焉

落成飲酒

褚師聲子

戰而登席

即褚師比圃之孫申之子古者見君解戰

公怒辭曰

辭謝

臣

有疾異於人若見之君將殺之

殺音整恒土也

是以不敢

不敢

公愈怒大夫辭之不可褚師出公戰其手

手拏

解形

如曰必斷而足聞之褚師與司寇亥乘曰今

日幸而後亡

恐死以得亡為幸

公之入也奪南氏邑

即公孫彌

年子南之子

而奪司寇亥政公使侍人納公文懿子之

車于池

公有怠按公文要初衛人翦夏丁氏

初衛人翦夏丁氏

即夏戌

以其帑賜彭封彌子

子即彌

彌子飲公酒納夏戊之

女嬖以爲夫人其弟期大叔疾之從孫甥也

期是

子戊是大叔疾之甥期爲大叔疾姊妹之孫也姊妹之子爲甥姊妹之孫與己之孫同列男子謂兄

弟之孫爲從孫故謂姊妹之甥孫爲從甥孫

少畜於公以爲司徒夫人

寵衰期得罪公使三匠久公使優校盟拳彌而其

近信之

優校併優也拳彌衛大夫盟以耻之

故褚師比公孫彌牟公

文要司寇亥司徒期因三匠與拳彌以作亂皆執

利兵無者執斤使拳彌入于公宮而自太子疾之

宮

疾已死宮尚存

譟以攻公鄆子士請禦之

鄆子士衛大夫彌援

其手曰子則勇矣將若君何不見先君乎

言蒯聩不速奔

遂為我君何所不逞欲且君嘗在外矣豈必不反

當今不可衆怒難犯休而易間也乃出將適蒲

在長垣彌曰晉無信不可將適鄆

彌曰齊晉爭我不可將適冷

請適城鉏以鈞越

杜云城鉏宋邑即十一年越轉相鈞越有君乃適城鉏

彌曰衛盜不可知也請速自

我始乃戴寶以歸

陳名因祝史揮以侵衛

文子曰無罪懿子曰彼好專利而妄夫見君之入

也將先道焉若逐之必出於南門而適君所夫越

新得諸侯將必請師焉揮在朝使吏遣諸其室無罪

難面遣先揮出信弗內再宿五日乃館諸外里出

遠其家五日乃奔出遂有寵使如越請師

公所在外里二十六年夏五月叔孫舒帥師魯大夫武叔

會越臯如后庸二子越宋樂茂宋司城納衛侯文

子欲納之衛彌懿子曰公文君愾而霄少待之必

毒於民乃睦於子矣師侵外州大獲出禦之大敗

衛師掘褚師定子之墓褚師比焚之于平莊之上

平莊文子使王孫齊私於臯如齊衛大夫王孫曰

陵名文子使王孫齊私於臯如買之子昭子也

子將大滅衛乎抑納君而已乎臯如曰寡君之命

無他納衛君而已文子致衆而問焉曰君以蠻夷

伐國國幾亡矣請納之衆曰勿納曰彌牟亡而有

益請自北門出衆曰勿出重賂越人申開守陴而

納公申重也重開門而嚴設守備以恐公公不敢入師還越師立悼

公前蹟度弟公子黔也南氏相之即彌牟以城鉏與越人公曰

出期則為此言逐君乃司徒期為之今苟有怨於夫人者報

之夫人期姊也怨期故令官人報怨於姊司徒期聘於越公攻而奪

之幣期告王期告越王王命取之期以衆取之公怒殺

期之甥之為大子者遂卒于越○衛出公自城鉏

使以弓問子贛。且曰：「吾其入乎？」子贛稽首受弓。對

曰：「臣不識也。」私於使者曰：「昔成公孫於陳。」僖二十八年衛

成公奔楚。遂適陳。甯武子孫莊子為宛濮之盟。而君入。僖在

三十八年。獻公孫於衛齊。襄十四年子鮮子展為夷儀之盟。

而君入。在僖二十六年今君再在孫矣。十五年孫魯內不

聞獻之親。外不聞成之卿。則賜不識所由入也。詩

曰：「無競惟人。」四方其順之。若得其人。四方以為主。

而國於何有。

邢今北直隸順德府邢臺縣

侯爵姬姓。周公之弟。四子受封於邢。其地在廣平襄

侯爵姬姓。周公之弟。四子受封於邢。其地在廣平襄

國縣隋邢州龍崗縣今邢臺縣是其故地後遷夷儀
今邢臺縣西一百三十里有夷儀城

己未莊三十二年 ○狄伐邢

庚申閏元年 ○齊人救邢 晉救邢也其稱人將卑師少也

狄人伐邢管敬仲言於齊侯曰我狄豺狼不可厭

也 性貪如豺不可厭足 諸夏親暱不可棄也 中夏皆親近不可不與兵救

宴安酖毒不可懷也 不與兵為宴安 詩云豈不懷歸畏此

簡書簡書同惡相恤之謂也 狄乃人之同惡者 請救邢以

從簡書齊人救邢

壬戌僖元年 ○齊師桓宋師桓曹師昭次于鼻北救邢 傳作

伯曹夏六月邢遷于夷儀陳公作儀齊師宋師曹師城邢北

邢也次者按兵觀釁以待事書師見其兵力有餘書次讎救之不遠也邢以自還為文再書諸侯者美桓卒能救患救梁云是向之師也使之如政事然美齊侯之功也

諸侯救邢邢人潰出奔師奔次師師遂逐狄人具

邢器用而遷之師無私焉夏邢遷于夷儀邢也諸侯

城之救患也凡侯伯救患分災討罪禮也

○公羊曰救邢救不言次此其言次何不及事也

不及事者何邢已亡矣孰亡之蓋狄滅之曷為不

言狄滅之為桓公諱也曷為為桓公諱上無天子

下無方伯天下諸侯有相滅亡者桓公不能救則

桓公耻之曷為先言次而後言救君也

註叔孫豹臣也當先

通君命故先言救今此先言次知實諸侯君則其稱師何不與諸侯專

封也曷為不與實與而文不與文曷為不與諸侯之義不得專封也諸侯之義不得專封則其曰實與之何上無天子下無方伯天下諸侯有滅亡者力能救之則救之可也

已卯僖八年也○冬邢人狄人伐衛杜云狄稱人者史異辭非春秋夷狄稱人賤之

冬邢人狄人伐衛圍莒圍衛侯以國讓其父兄子弟及朝衆曰苟能治之燬請從焉衆不可而後師

于訾婁狄師還

距邢雷

庚辰信

十九年○衛人伐邢

秋衛人伐邢以報菟圃之役於是衛大旱卜有事

於山川不吉甯莊子曰

即甯速武子父

昔周饑克殷而年

豐今邢方無道諸侯無伯天其或者欲使衛討邢

乎從之師興而雨

辛巳信

二十年○秋齊人

考

狄人盟于邢

秋齊狄盟于邢為邢謀衛難也於是衛方病邢

壬午信

二十有一年春狄侵衛

為邢故也

丙戌信

二十有五年春王正月丙午衛侯燬滅邢

曲禮諸侯

不生名臧
同姓名

衛人將伐邢禮至曰不得其守國不可得也我請
昆弟仕焉乃往得仕二十五年春衛人伐邢二禮
從國子廵城掖以赴外殺之以手持人正月丙午
衛侯燬滅邢同姓也故名禮至爲銘曰余掖殺國
子莫余敢止

春秋左傳類解衛卷之十六終